



**Aningaasaqarnikkut
nakkutilliinnermit nalunaarusiaq
Ulloq unnuarlu paaqqinniffik
Angerlarsimaffik Akilliit
Saqqummiunneqarpoq 2021**

Imarisai

Ulloq unnuarlu paaqqinniffik pillugu

Nakkutilliinermik Ingerlatsivik pillugu taassumalu pisinnaatinneqarnera

Nakkutilliineq pillugu

Sammissaq 7: Ulloq unnuarlu paaqqinniffiup aningaasaqarnera, tassunga ilanngullugu naatsorsuutit naatsorsuuserisumit akuerisaasumit kukkunerisiorneqarsimanersut

Ulloq unnuarlu paaqqinniffik pillugu

Ulloq unnuarlu paaqqinniffiup aqqa	Angerlarsimaffik Akilliit
Sumiiffia	Qussartoq B-741, Postboks 400, 3920 Qaqortoq
Oq.	64 22 88
E-mail	kontor@akilliit.gl
Nittartagaq	www.akilliit.gl
Akisussaasutut aqutsisoq	Carl Rødgaard
Suliffeqarfiup suunera	Ulloq unnuarlu paaqqinniffik imminut pigisoq
Sullitat	Meeqqat inuusuttuaqqallu aqqaneq marlunniit 18-it tikillugit ukiullit sumiginnagaasimasut.
Immikkoortumi arlalin-niluunniit inissat najugaqartullu qanoq agguataarnerat	Inissat 18-it immikkoortunut sisamanut agguarneqarsimasut: <i>Parmaliarfik</i> sisamanik inissalik, <i>Nipinngaaq</i> (B.1154) pingasunik inissalik, <i>Hurlumhej</i> qulingiluanik inissalik kiisalu angerlarsimaffiup qimakkiartu-aarnerani najorneqartartoq <i>Nipinngaaq</i> (B. 1155) pingasunik inissalik. Ulloq 1. januaari 2021 najugaqartut 18-it allatsissimapput.

Kommunit meeqqanik paaqqinniffimmiittuuteqartut	Kommune Kujalleq, Kommuneqarfik Sermersooq aamma Qeqqata Kommu- nia
Siulersuisuni ilaasortat	Stine Egede (siulittaasoq), Debora Kleist, Victoria Målgård, Simon Simonsen aamma Johanne Kjølby

Nakkutilliinermik Ingerlatsivik pillugu taassumalu pisinnaatinneqarnera

Nakkutilliinermik Ingerlatsivik Isumaginninnermut, Ilaqutariinnut Inatsisinillu Atuutsitsinermut Naalakkersuisoqarfiup ataani immikkoortortaavoq, ulloq unnuarlu paaqqinniffinnik Kalaallit Nunaanni isumaginninnikkut inatsisit naapertorlugit pilersinneqarsimasunik nakkutilliinermik ilaatigut suliaqartoq. Nakkutilliinermik Ingerlatsivik nakkutilliinermut atatillugu innersuussuteqarsinnaavoq, peqqusisinnaalluni annertusisamilluunniit nakkutilliinissamik aalajangiissuteqarsinnaalluni.

Suliassaqarfimmik suliaqartoqarnissaa nalilerneqarpat Nakkutilliinermik Ingerlatsivik innersuussuteqartarpoq. Suliassaqarfimmi allannguisoqarnissaa nalilerneqarpat Nakkutilliinermik Ingerlatsivik peqqusuteqarsinnaavoq annertusisamilluunniit nakkutilliinissamik aalajangiissuteqarluni, Nakkutilliinermillu Ingerlatsiviup allannguinerit ilumut ingerlanneqarnerat malinnaaffigisarpai. Ulloq unnuarlu paaqqinniffiup akuersissutimik pigiinnarnissaanut peqqussutit naammassineqarnissaat piumasaqaataasinnaavoq. Akuersissummik utertitsinissamik aalajangiineq naalakkersuisoqarfimmit isumaginninnermut tunngasunik akisussaaffeqartumit isumagineqartarpoq.

Attavissaq pillugu paasissutissat:

Oqarasuaatip normua 34 50 00

E-mail: soctilsyn@nanoq.gl

Nakkutilliineq pillugu

Nakkutilliinermut tunngavik	Meeqqat tapersersorneqarnissaanut Inatsisartut inatsisaat nr. 20, 26. juni 2017-meersumi §§ 9, imm. 2 aamma 11 tunngavigalugit nakkutilliineq ingerlanneqarpoq.
Piffissaq nakkutilliartorfik	2020-mi nalunaarutiginninnermi immersugassaq tunngavigalugu.
Nakkutilliinermik ingerlatsisoq	Isumaginninnermut, Ilaqutariinnut Inatsisinillu Atuutsitsinermut Naalakkersuisoqarfik, Nakkutilliinermut Ingerlatsivik
Suliap normua	2017-3706

Nalunaarusiap eqikkarnera ataatsimullu naliliineq

Nakkutilliinermik Ingerlatsivik Angerlarsimaffik Akilliit naatsorsuutaanik 2020-mi decembarimiit aningaasaqarnikkut nakkutilliivoq. Nakkutilliinermi nakkutilliinermut nalunaarummi sammisaq 7 ingerlanneqarpoq¹.

2018-imut 2019-imullu naatsorsuutit aamma 2020-mut 2021-mullu aningaasartuutissanut missingersuutit taakkulu akigititaasunut najugaqartunut kommunit akiliutaasa aalajangerinerinut qanoq sunniuteqarneri tunngavigalugit paaqqinniffiup aningaasaqarnikkut inissisimanera ukkataralugu nakkutilliineq ingerlanneqarpoq.

Aningaasaqarnermik nakkutilliinermi nalunaarusiaq kingulleq 2019-imeersoq 2017-imi naatsorsuutit tunngavigalugit suliaavoq. Nakkutilliinermik Ingerlatsiviup nakkutilliinermut atatillugu paasivaa Isumaginninnermi suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. 22, 24. juni 2020-meersumi § 36, imm. 5-imi piumasaqaataasoq naapertorlugu nalunaarusiaq kingulleq paaqqinniffiup nittartakkamini saqqummersissimangikkaa, taamaaliornissamillu taamaammat peqqussuteqarluni.

Nakkutilliinermi misissorneqarput:

- 2018-imi 2019-imilu naatsorsuutininik nalunaarutiginninnermut immersukkat aamma 2020-mut 2021-mullu aningaasartuutissanut missingersuutit
- 2019-imut ukiumoortumik nalunaarusiaq
- Ilassutitut apeqqutinut akissutit
- Paaqqinniffiup nittartagaa

Nakkutilliinermik Ingerlatsivik ataatsimoortumik naliliivoq, paaqqinniffik aningaasaqarnermit nakkutilliineq tunngavigalugu sullitat pisariaqartitaannut tunngatillugu pitsaassutsip pisariaqartinneqartup qulakkeernissaanut paaqqinniffik periarfissiisoq. Paaqqinniffilli peqquneqarpoq inatsisit malillugit illup iluani aningaasaqarnikkut naatsorsuutit kukkunersiorteqqullugit. Nakkutilliinermik Ingerlatsiviup tulliani nakkutilliinermi naliliinerni peqqussut oqaaseqaatillu taaneqartut malitseqartissavai.

Nakkutilliinermut atatillugu innersuussuteqartoqanngilaq marlunnilli peqqussuteqarluni.

¹ Takuuk Isumaginninnermi suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. 22, 24. juni 2020-meersumi § 28, imm. 1 nr. 7

Innersuussutit piunasaqaatillu

Piunasaqaatigineqartut:

- Nakkutilliinermik Ingerlatsiviup paaqqinniffik paaqqinniffimmut inatsimmik maleruaaqquaa illullu iluani aningaasaqarnikkut naatsorsuutit kukkunersiorteqqullugit.
- Nakkutilliinermik Ingerlatsiviup nakkutilliinermi nalunaarutit saqqummiunneqarsimallutillu inaarutaasut paaqqinniffiup nittartagaani saqqummersinneqarnissai Angerlarsimaffik Akilliit qulakkiissassagaat peqqussutigaa.

Nakkutilliinerup naammassinera

Nakkutilliinermik Ingerlatsivik nakkutilliisimagaangat nakkutilliinermut nalunarusiussaaq nakkutilliinermi inaarutaasumik nalunaarutip naammassineqarluni ulloq unnuarlu paaqqinniffimmut nassiutinnginnerani ulloq unnuarlu paaqqinniffimmut oqartussamullu paaqqinniffimik ingerlatsisumut sivikinnerpaamik ulluni 14-ini tusarniutigineqassalluni. Nakkutilliinermi nalunarusiaq Isumaginninnermut Aqutsisoqarfimmut kommunalbestyelsinullu meeqqanik ulloq unnuarlu paaqqinniffimmut inissiisimasunut ilisimatitsissutitut nassiunneqassaaq.

Nakkutilliinermi nalunarusiaq Naalakkersuisut nittartagaanni aamma ulloq unnuarlu paaqqinniffiup nittartagaani saqqummiunneqassaaq.

Ulloq unnuarlu paaqqinniffik - pissutsit innersuussuteqarnermut peqqussuteqarnermulluunniit tungaviliisut qanoq aqqiivigineqarnissaannik, Nakkutilliinermik Ingerlatsivimmit allakkatigut pilersaarsioqquneqarluni peqqussuteqarfineqarsinnaavoq, taakku qaqugukkut aamma naammassereersimansaanik aamma piffissalernerqarluni.

Sammissaq 7: Ulloq unnuarlu paaqqinniffiup aningaasaqarnera, tassunga ilanngullugu naatsorsuutit naatsorsuuserisumit akuerisaasumit kukkunersiorneqarsimanersut

Piumasaqaat 7.1

Sullitat pisariaqartitaat eqqarsaatigalugit pitsaassutsip pisariaqartinneqartup qulakkeernissaanut paaqqinniffik periarfissiivoq

Missingersuutit naatsorsuutillu misissornerat

Aningasaqarneq	N2018	N2019	M2020	M2021
Akigititaasunit isertitat	15.161.566	17.855.745	16.773.150	16.746.900
Isertitat allat	41.701	10.000	20.436	20.436
Isertitat katillugit	15.203.267	17.865.745	16.793.586	16.767.336
Atuisunut toqqaannartumik aningasartuutit	- 2.279.645	- 2.698.528	- 2.011.245	- 2.102.050
Akissarsianut aningaasartuutit	- 10.621.457	- 10.985.055	- 11.829.712	- 11.829.712
Sulisunut aningaasartuutit	- 448.666	- 456.339	- 535.847	- 501.847
Aningaasartuutit ataatsimoorussat	- 956.036	- 940.160	- 423.427	- 423.437
IT-mut aningaasartuutit	- 128.438	- 129.958	- 134.635	- 134.625
Pequtinut, atortunut il.il. aningaasartuutit Angallatinut assakaasulinnut imarsiutinullu aningaasartuutit	- 485.398	- 395.936	- 345.551	- 345.551
Nunaminertanut, illunut il.il. aningaasartuutit	- 959.668	- 634.989	- 600.196	- 600.196
Aningaasartuutit katillugit	- 15.879.308	- 16.240.965	- 15.880.613	- 15.937.418
Erniat nuussinerillu ilanngunnagit inernerit	- 676.041	1.624.780	912.973	829.918
Nalikkililiinerit	- 232.366	- 285.122	- 308.000	- 308.000
Erniat nikinganerillu karsimiittut	- 53.576	- 145.602	- 145.268	- 145.268
Piffissami pineqartumi inernerit	- 1.061.983	1.194.056	459.705	376.650

Kisitsisit pingaarutillit

Sammissaq	R2018	R2019	B2020	B2021
Inissat akuerisaasut	18	18	18	18
Inissat piviusut	17	20	18	18
Ulloq unnuarlu najugaqarnerit akuerisaasut	6.570	6.570	6.570	6.570
Ulloq unnuarlu najugaqarnerit piviusut	6.085	7.147	6.570	6.570

Atorneqarneranut procenti	93	109	100	100
Ulloq unnuarlu atorneqarneranut aningaasaqarneq	R2018	R2019	B2020	B2021
Ulloq unnuarlu najugaqarnermi ataatsimi kaaviiartitat	2.498,67	2.499,86	2.556,10	2.552,11
Ulloq unnuarlu najugaqarnermi ataatsimi aningaasartuutit.	- 2.609,78	- 2.272,51	2.417,14	- 2.425,79
Piffissami pineqartumi ulloq unnuarlu najugaqarnerup ataatsip inernera	- 136,35	206,97	116,85	104,21

Naatsorsuutininik, aningaasartuutissanik kisitsisinillu pingaarutilinnik misissuineq

Paaqqinniffik 2018-imi 1,06 mio. kr.-inik amigartooruteqarpoq, 2019-imi 1,194 mio. kr.-inik sinneqartoorutinngortumik. 2018-imi amigartooruteqarnermut inissat atorneqarnerisa procentiat peqqutaavoq, 2018-imi 93%-imiimmat. 2019-imi sinneqartooruteqarnermut peqqutaavoq inissat atorneqarnerisa procentiat annertunerummat 109-ulluni, taamalu takuneqarsinnaalluni paaqqinniffiup akuerisaasumik inissaqartitsineraniit meeqqat amerlanerusut najugaqarsimasut. Paaqqinniffik meeqqanik 18-inik najugaqartitsinissaminut akuerisaavoq 2019-imilu kisitsisit piviusut tunngavigalugit najugaqartut 20-ullutik. Sinneqartoornermut peqqutaasup aappaa tassaavoq akissarsianut aningaasartuutit 2018-imi annertussusaannut assingugamik.

2020-mut aningaasartuutissanut missingiummi 0,6 mio. kr.-inik sinneqartooruteqarnissaq naatsorsuutigineqarpoq, tamannalu paaqqinniffiup ingerlaqqinnissaata qularnaarnissaanut atugassarititaasut iluaniittutut nalilerneqarluni. Aningaasartuutissanut missingiummi akissarsianut aningaasartuutissat amerlanerunissaat naatsorsuutigineqarpoq, atuisunullu tunngasunik toqqaannartumik aningaasartuutissat 0,6 mio. kr. missaannik ikilineqarnissaat missingersuutigineqarluni. Tassaapput aningaasartuutit soorlu atisanut, nerisassanut, angalanernut, sulianut tunngasunut siunnersortinut, katsorsaasunut, tarnip pissusaanik ilisimasalinnut il.il. 2020-mut aningaasartuutissat missingersuutiginerinut ilimagineqarpoq inissat atorneqarnerisa procentiat 100-uussasoq, tassa najugaqartut 18-it.

Paaqqinniffimmi 2018-imi 2019-imilu akigititaasut ullup unnuallu ingerlanerani agguaqatigiissillugu inummut ataatsimut 2.500 kr.-upput. Tamannalu paaqqinniffinnut imminut pigisunut akikinnernut ilaavoq Namminersorlutik Oqartussat paaqqinniffiinut assingullutik. 2020-mut missingiummi ullormut unnuamullu akigititaasoq 2.550 kr.-nut iluarsineqarpoq. Ullormut nerisassanut 2018-imi aningaasartuutit nerinermut ataatsimut 144,88 kr.-uvoq, 2019-imili aningaasat ikinnerit atorneqarlutik, tassa ullormut 132,66 kr.-ugamik. 2020-mi aningaasartuutissanut missingiummi nerisassanut aningaasartuutissat qaffanneqarput 2018-imi aningaasartuutit amerlaqataannut.

Akissarsiarititaasut agguaqatigiissillugit 280.000 kr. missaanniipput. Paaqqinniffimmi sulisut/najugaqartut amerlassusaasa imminnut naleqqiunnerisa kisitsisitaat appasippoq, tassa najugaqartumut ataatsimut ulloq naallugu sulisut 2018-imi taamaallaat 2,6 -iugamik, najugaqartumulli ataatsimut kisitsisitaat 2019-imi 1,96-imut apparpoq.

Paaqqinniffik 2018-imi amigartooruteqarpoq. Paaqqinniffik 2019-imi sinneqartooruteqarpoq. 2018-imi amigartoorutit paaqqinniffiup tigorianaannarnik aningaasaqarnera sunnerpaa. Tigorianaannarnik aningaasaqarnera 2019-imi unammillerneqaqqippoq, naak sinneqartooruteqaraluartoq. 31. decembari 2019 naatsorsuutigalugu uninngasuutit tigorianaannat 1,761 mio. kr.-upput.

2019-imi ukiumoortumik naatsorsuutini takuneqarsinnaavoq illup iluani naatsorsuutit kukkunersiorneqarsimangitsut. Kukkunersiuisoq kukkunersiuinermi review-imilu inaaruteqarnermik ukiumoortumik naatsorsuutit pillugit inatsit tunngavigalugu illup iluani naatsorsuutit suliarineqarsimanerat pillugu allataqarsimangilaq.

Piumasaqaat 7.2

Ulloq unnuarlu paaqqinniffiup illuutai atortuutaalu sullitanut atatillugu pitsaassusermik pisariaqartinneqartumik qulakkeerinninnissamut tapersiipput

Paaqqinniffiup illut nammineq pigai, taakkunani illut pingasut najugaqarfigineqarlutik, ataaseq allaffeqarfittut sammisaqarfittullu atuulluni illulu ataaseq sullivittut najugaqartunillu suliaqarnermik aallartitsivittut atuulluni. Paaqqinniffiup illuaraq ataaseq illulu issunik ujaqqanillu qarmagaq sammisaqarnermut atorneqartartut aamma oqartussaaffigai.

Paaqqinniffik marlunnik biileqarpoq, tassaasut Toyota Hiace 2012-imeersut, marlunnillu umiatsiaqarluni, tassaasut Vikness 900 aamma Polarboat 80 HK-imik motorilik. Biilit umiatsiallu najugaqartunik angallassinermut sammisaqartitsinermullu atorneqartarput.

Nakkutilliinermut Ingerlatsiviup naliliinera

Piumasaqaat 7.1

Nakkutilliinermik Ingerlatsiviup nalilerpaa paaqqinniffik 2020-mut aningaasartuutissanik naleqquttumik missingersuusiorsimasoq, paaqqinniffiup nangilluni ingerlaqqissinnaaneranik qularnaarisumik. 2019-imi uninngasuutit tigorianaannat naleqquttutut nalilerneqarput, kisianni ukiuni kingullerni amigartoornerit tigorianaannarnik uninngasuuteqarneq killup tungaanut sunnersimavaat, taamaattumillu paaqqinniffik kaammattorneqarpoq siunissami uninngasuutinik tigorianaannarnik nakkutiginneqqullugu.

2019-imi najugaqartoqarneq akuerisaasumit annertunerummat 2020-imut aningaasartuutissanut missingersuusiami najugaqartoqarnissaata procentia 100-mut iluarsineqarpoq. Nakkutilliinermik Ingerlatsiviup taamatut iluarsineq naleqquttuusoraa, amerlavallaanimmi najugaqartoqarneratigit najugaqartunut sullissinerup atugarissaarnerullu annikillineranik kinguneqarsinnaammat.

Siusinnerusukkut nakkutilliinernut naleqqiullugu najugaqartut nerisassaannut aningaasartuutit qaffanneqarsimapput, neriunartumik najugaqartut pitsaanerusumik peqqinnarnerusumillu nerisaqarnissaannik qularnaarisussamik.

Illup iluani naatsorsuutit kukkunersiorneqarsimangillat, tamannalu Nakkutilliinermik Ingerlatsiviup isornartippaa, paaqqinniffimmullu inatsisip atuuttup malinneqarnissaa illullu iluani aningaasaqarnikkut naatsorsuutit kukkunersiorneqarnissaat peqqussutigalugu. Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 1, 25. januaari 2019-imeersumi §33 imm. 2 aamma §41 innersuussutigineqarput.

Sullitat pisariaqartitaat eqqarsaatigalugit pitsaassutsip pisariaqartinneqartup qulakkeernissaanut paaqqinniffik periarfissiisoq Nakkutilliinermut Ingerlatsivimmit nalilerneqarpoq. Nakkutilliinermik Ingerlatsivimmit paasineqarpoq pitsaassutsip pisariaqartup qulakkeerneqarnissaanut aamma akip pitsaassutsillu akornanni naammaginartunik ataqatigiittoqarneranut naapertuunnissaannut kiisalu najoqqutassat allat eqquutinneqarsimanissaanut paaqqinniffiup missingersuutit kukkunersiuusumit atsiorneqarsimasut pigigai.

Nakkutilliinermulli Ingerlatsivimmit malugineqarpoq 2020-mi missingersuutini atuisunut toqqaannartumik aningaasartuutit ikisilinneqarsimasut tamannalu najugaqartut qanoq pineqarnerannut sunniuteqassanersoq perorsaanikkut siunissami nakkutilliinissani Nakkutilliinermut Ingerlatsiviup eqqumaffiginiarpaa.

Piumasaqaat 7.2

Paaqqinniffiup illuutai atortuutaalu sullitanut atatillugu pitsaassusermik pisariaqartinneqartumik qulakkeerinninnissamut tapersiisut Nakkutilliinermik Ingerlatsivimmit nalilerneqarpoq. Nakkutilliinermut Ingerlatsivik paasissutissat nassiunneqarsimasut tunngavigalugit taamannak naliliivoq, tamannali nammineq ornigulluni nakkutilliinikkut aamma uppernarsarneqarpoq.